



DEN NORSKE KYRKJA

Ulstein sokneråd - Ulstein kyrkjelege fellesråd

Protokoll frå møte i Ulstein sokneråd

Tid: 04.06.2026 kl. 19:00

Stad: Kyrjekontoret

Desse møtte:

Odd Arne Vikebakk	Leiar
Silje Kiperberg Aksnes	Medlem
Linda Hasund	Medlem
Cecilie Frantsen Skeide	Medlem
Gunn Marthe Veddegjerde Pieroth	Medlem
Øyvind Grimstad Hagen	Medlem
Berge Myrene	Medlem
Ingrid Redse Mjaaseth	Medlem
Mirjam Håland Igland	geistleg representant
Stian Skorgen Scheide	kommunal representant
Beate Hopland Langnes	1. vara
Monica Leine Tokheim	2. vara
Bjørn Losvik	sekretær
Ingrid Madli Sæter	sekretær

Forfall: Ingen.

Sakliste:

Saksnr	§	Sakstittel	
F-2026/14		Møtedatoar for Ulstein sokneråd hausten 2026	
S-2026/15		Høyring: Rammer for kyrkjeleg undervisning og læring	
F-2026/16		Oppfølging av sak om istandsetting av mur rundt Ulstein gamle kyrkjestad.	

Godkjenningar:

Godkjenning protokoll siste møte:	Godkjend
Godkjenning av innkallinga:	Godkjend
Godkjenning av sakliste:	Godkjend

Meldingar:

F-027 Ønske om fleire konfirmasjonshelger i Ulstein sokn

To foreldrepar til neste års konfirmantar har kome med ynskje om å spreie konfirmasjonsgudstenestene over to helger. Argumenta handlar om familiar som har fleire søskenbarn på same årskull. Utfordringane dei peikar på handlar om familiar som må dele seg, press på selskapslokale og catering.

KUL-avdelinga har svara ut spørsmåla ved å peike på at det er eit spørsmål om tilsetteressursar (antal arbeidshelger), og om gudstenestepan for hausten der det skal passe med mange «spesialgudstenester» på kort tid, som også skal vegast opp mot antal «vanlege» gudstenester med plass til dåp og nattverd. Etter å ha fått nytt spørsmål om same problemstilling, ynsker KUL-avdelinga å legge spørsmålet fram for soknerådet til drøfting.

Det vil uansett ikkje vere aktuelt å gjere endringar allereie for konfirmasjonane i 2027. Det kan likevel vere fornuftig å sjå på dette spørsmålet, samtidig som ein ser på heilskapen i konfirmantåret, mellom anna med utfordringar knytt til gjennomføring av konfirmantleir. Eventuelle endringar i avvikling av konfirmanthelger kan kome tidlegast i 2028 eller 2029.

Frå drøftinga: Det vart gitt uttrykk for at dette har vore tema i bygda, og at mange hadde satt pris på å spreie konfirmasjonsgudstenestene over to helger. Kan det vere mogleg å dele konfirmasjonsgudstenestene på laurdag ei helg og søndag andre helg? Hvis vi opplever at vårt konfirmasjonstilbod blir vald bort på grunn av dette, så bør ei endring vurderast. Det kan hende at ei spreiding over to helger vil føre til spørsmål om å ha konfirmasjon delt på to laurdagar, det må vurderast kva dette eventuelt har å seie for tilsetteressursane som er knytt til gudstenesteavviklinga: Kyrkjetenar, organist, kyrkjelydspedagog og kateket. Soknerådet overlet til staben å sjå på dette i samband med heilskapen i konfirmantåret, korleis det vil påverke staben ressursmessig, korleis det passar inn med andre gudstenester i september etc.

F-028 Regnbogemesse i samband med Bygdepride 2027

Vedlegg: E-post frå Bygdepride v/ Annika Brandal.

Ulstein sokn har fått e-post frå Bygdepride v/ Annika Brandal med spørsmål om å gjennomføre regnbogemesse i Ulstein kyrkje i samband med Bygdepride 2027, som truleg finn stad i mai. Det er flott at spørsmålet kjem tidleg, slik at det er tid til å drøfte dette i soknerådet.

Ulstein sokn kan sjå til erfaringar frå Ørsta sokn, som har arrangert regnbogemesse fleire gonger. Dei har arrangert det på ein torsdag i staden for søndag. Ein bør også vere førebudd på eventuelle reaksjonar, og ha ein plan for korleis dette skal møtast.

Frå drøftinga: Det er fint at Bygdepride vender seg til oss med dette spørsmålet, det bør vi ta som ei tillitserklæring. Spørsmålet om skeive sine rettigheter kjem av og til opp i samfunnsdebatten, så det bør seiast høgt at skeive er velkomen til Ulstein kyrkje. Det har ikkje tidlegare vore gjennomført regnbogemesse eller andre Pride-markeringar i regi av Ulstein sokn, anna enn at Ulstein sokn tidlegare har gjort det klart at vi forholdt oss til vedtak om likekjønna ekteskap frå kyrkjemøtet. Soknerådet stiller seg positive til å samarbeide med Bygdepride om ei regnbogemesse. Om ei eventuell regnbogemesse skal finne stad ein søndag eller ein kvardag får ein kome tilbake til. Ei kveldsgudsteneste kan gjere at

gudstenesta kan bli litt friare. I samfunnsdebatten foregår det ein tidvis skarp meiningsutveksling om Pride, og kva som er innhaldet i ei Pride-markering. Det er viktig å presisere at ei regnbogemesse er kyrkja sitt eige arrangement, ei gudsteneste for å feire mangfald og gjere det tydeleg at skeive har sin plass i Ulstein kyrkje. Det er også rom for ulike ekteskapssyn i kyrkja. Nokon i soknerådet løfta fram at det framleis er vanskeleg å vere skeiv, og at kyrkja sin del i Bygdepride kan ha stor betydning for dei. Det vil vere viktig for Ulstein sokn å kommunisere tydeleg og ope rundt dette.

F-029 Referat frå arbeidsgruppa for oppfølging av besøk frå ELCJHL

Beate Hopland Langnes refererte frå arbeidsgruppa. Deira anbefaling er å halde ein uformell kontakt vidare med kyrkjelyden vi hadde besøk frå. Eit konkret døme på vidare kontakt kan vere gjennom felles liveoverførte ungdomsgudstenester. Her kan ein ha fokus på ungdomsgruppene som finst i soknet, som TenSing, KRIK og speidar, eventuelt også med konfirmantane. Arbeidsgruppa synest det hadde vore fordelaktig om ein frå staben kan bli med i arbeidsgruppa, som eit bindeledd mellom arbeidsgruppe og stab, og kan forankre det arbeidsgruppa tar opp både i stab og i Den norske kyrkja sine planar for internasjonalt samarbeid. Ein liveoverført gudsteneste kan vere ein god start.

Ulsteinvik, den 12.06.2026

Odd Arne Vikebakk	Bjørn Losvik
Leiar	Sekretær

F-SAK 2026/14 Møtedatoar soknerådet haust 2026

UTGREIING

Ulstein sokneråd / Ulstein kyrkjelege fellesråd skal ha møte med jamne mellomrom for å styre kyrkjeleg verksemd og forvalte ressursane best mogleg.

Det har kome fram ønske om å variere dagar for soknerådsmøta. Det tilrådest at soknerådet tar ein diskusjon om dette i samband med å sette datoar for møte til hausten.

Soknerådslaiar har ynskje om ei sosial samling for sokneråd og stab i adventstida. Dette er ei tid med mykje aktivitetar i soknet. Av omsyn til dette er det lurt å sette dato for ei slik samling tidleg, slik at det kan tilpassast øvrig aktivitet i desember for stab og sokneråd.

Forslag til møtedatoar for hausten:

Forslag 1	Forslag 2
<i>Onsdag 02. sept (bestemt)</i>	<i>02. sept (bestemt)</i>
Torsdag 15. okt	Torsdag 22. okt
Torsdag 12. nov	Torsdag 26. nov
Torsdag 03. des: Adventssamling	Torsdag 03. des: Adventssamling

FRAMLEGG TIL VEDTAK

Saka blir lagt fram utan forslag til vedtak.

HANDSAMING

Det kom fram spørsmål om det er mogleg å handsame budsjett for 2027 på møtet 03. desember, AU tar opp dette til hausten. Sokneprest meldte at ho er forhindra frå å delta på datoane i forslag 1.

VEDTAK

Møtedatoar for hausten 2026: Torsdag 22. oktober, torsdag 26. november og torsdag 03. desember. Møtet 03. desember får preg av ei sosial adventssamling for stab og sokneråd, med moglegheit for at soknerådet møtast før for å handsame saker.

S-SAK 2026/15 Høyring: Rammer for kyrkjeleg undervisning og læring

UTGREIING

Vedlegg: [Høring - rammeplaner for kirkelig undervisning og læring - Kirkerådet](#)

Frå nettsidene til Den norske kyrkja:

«Kirkerådet sender med dette forslag til rammeplaner og veiledende lister for kirkelig undervisning og læring i Den norske kirke, på høring.

Kirkemøtet vedtok i sak KM 06/24 Plan for kirkelig undervisning og læring – overordnet del. I vedtaket ba Kirkemøtet Kirkerådet om å forberede rammeplaner for kirkelig undervisning og læring til behandling på senere Kirkemøter. På denne bakgrunn har Kirkerådet fått utarbeidet seks rammeplaner for følgende målgrupper: 0–5 år, 6–12 år, 13–19 år, konfirmanntiden, unge voksne og voksne.

Rammeplanene konkretiserer innholdet i overordnet del og skal være retningsgivende for lokalt planarbeid. De skal bidra til felles retning, sammenheng og progresjon i kirkens arbeid med undervisnings og læring, samtidig som det legges til rette for lokale tilpasninger.

Høringen omfatter:

- felles innledning til rammeplanene
- seks rammeplaner for kirkelig undervisning og læring
- veiledende lister over bibeltekster, salmer og praksisformer

Alle er velkomne til å svare på høringen. Kirkerådet ber høringsinstansene gi innspill til rammeplanene og de veiledende listene. Høringen er strukturert etter de enkelte rammeplanene og deres hoveddeler, med tilhørende spørsmål. Til hvert avsnitt om rammeplaner, hører også veiledende lister med.»

Undervisningsutvalet (UU) ved Ingrid Redse Mjaaseth, Janne Fylsvik Rønningen, Ingrid Madli Sæter og Bjørn Losvik hadde møte 21. mai for å diskutere denne høyringa. UU konkluderte med at kateket Bjørn Losvik og kyrkjelydspedagog Ingrid Madli Sæter svarer på høyringa, sidan dei er fagfolka på kyrkjeleg undervisning og læring (KUL), etter dei innspela UU kom med i møtet 21. mai. Grunna andre aktivitetar ynskjer KUL-avdelinga å vere ferdig med dette i god tid, og vil difor sende inn høyringa i juni. Dette høyringssvaret kan også vere Ulstein sokn sitt høyringssvar. Eventuelt kan høyringssvara frå undervisningsutvalet leggst fram på SR-møtet i september, slik at SR kan vurdere om desse svara er tilstrekkeleg, eller om SR sende inn ein eigen høyringsuttale.

FRAMLEGG TIL VEDTAK

Saka blir lagt fram utan forslag til vedtak.

HANDSAMING

Dette er ei høyring med eit relativt stort materiale å sette seg inn i. Det vart uttrykt støtte til at undervisningsutvalet gir eit høyringssvar, og at dette også kan vere soknerådet sin høyringsuttale.

VEDTAK

Høyringsuttalen undervisningsutvalet dannar grunnlag for soknerådet sin uttale. Denne vert lagt fram til orientering for AU før neste soknerådsmøte, slik at AU kan vurdere om dei ynskjer å legge det fram for soknerådet.

F-SAK 2026/16 Oppfølging av sak om istandsetting av mur rundt Ulstein gamle kyrkjestad.

UTGREIING

Vedlegg: *Estimat for istandsetting av tørrsteinsmur Ulstein gamle kyrkjestad*

I tillegg: *Forplan restaurering mur Ulstein gamle kyrkjestad* finst som vedlegg til SR-møte 11. mars 2026.

Dokumentasjon skade mur finst som vedlegg til SR-møte 11. februar 2026.

Saka vart endra frå meldingssak til vedtakssak på soknerådsleiar sitt forslag.

Som oppfølging av tidlegare drøfting om den vidare prosessen knytt til skader på mur rundt Ulstein gamle kyrkjestad, har SR-leiar Odd Arne Vikebakk hatt møte med kommunedirektør Jarl Martin Møller, og sendt eit estimat over kostnader knytt til dette til kommunedirektøren. Håpet er at dette kan nyttast i arbeidet med å på plass naudsynt finansiering for oppstart av arbeidet i år.

Det er einigheit om at Odd Arne i løpet av våren tar kontakt med fleire entrepenørar for å lodde interesse og moglegheit for å levere eit anbod på denne jobben. Odd Arne følger dette opp med kommunedirektør. Målet er å kunne seie noko om kostnad i løpet av sommaren, slik at kommunedirektøren kan legge det inn i budsjettjustering i haust. Det er også aktuelt å vurdere moglegheita for å legge ned dei skada delane av muren kontrollert mens ein jobbar med prosessen, for å ivareta sikkerheit på Ulstein gamle kyrkjestad. Tilstandsrapporten frå Sandal (*Forplan restaurering mur Ulstein gamle kyrkjestad*) er også sendt til fylkeskonservator.

FRAMLEGG TIL VEDTAK

Forslag lagt fram av soknerådsleiar i møtet:

- 1: Ulstein FR tek orienteringa til vitande og ber om at arbeidet med sikring av dei mest kritiske partia vert starta opp snarast råd. Prosjekt 012201 Sikring av gravplassar på Ulstein og Osnes kr 750.000,-
- 2: Ulstein FR vil arbeide vidare med å få på plass ei endeleg/langsiktig finansiering, der det og vert arbeidt med eksterne gjevarar.
- 3: Ulstein FR ber om at det vert utarbeidd ein plan/skisse med mål om å legge til rette for auka bruk av Ulstein gamle kyrkjestad. Samarbeid med andre lag og organisasjonar vil truleg vis vere ein styrke.

HANDSAMING

Det er viktig å søke midlar eksternt til dette prosjektet. Eksempel som vart nemnd er Sparebankstiftelsen og Kulturminnefondet. Det er viktig å fokusere på kultruminnedelen av prosjektet.

VEDTAK

- 1: Ulstein FR tek orienteringa til vitande og ber om at arbeidet med sikring av dei mest kritiske partia vert starta opp snarast råd. Prosjekt 012201 Sikring av gravplassar på Ulstein og Osnes kr 750.000,-
- 2: Ulstein FR vil arbeide vidare med å få på plass ei endeleg/langsiktig finansiering, der det og vert arbeidt med eksterne gjevarar.
- 3: Ulstein FR ber om at det vert utarbeidd ein plan/skisse med mål om å legge til rette for auka bruk av Ulstein gamle kyrkjestad. Samarbeid med andre lag og organisasjonar vil truleg vis vere ein styrke.